

Ymgynghoriad ar geisiadau i awdurdodi cynhyrchion rheoleiddiedig amrywiol: dau fwyd newydd, un cyflasyn, ac un ychwanegyn bwyd

Statws: Wedi dod i ben

Dyddiad lansio: 17 Hydref 2022

Dyddiad cau: 11 Rhagfyr 2022

Crynodeb o ymatebion

[Ymgynghoriad ar geisiadau i awdurdodi cynhyrchion rheoleiddiedig amrywiol: dau fwyd newydd, un cyflasyn, ac un ychwanegyn bwyd – crynodeb o ymatebion \(Saesneg yn unig\)](#)

Bydd yr ymgynghoriad hwn o ddiddordeb yn bennaf i'r canlynol:

- Cymdeithasau masnach y diwydiant bwyd
- Gweithredwyr busnesau bwyd yn y Deyrnas Unedig (DU) sy'n dymuno defnyddio'r bwydydd, y cyflasyn neu'r ychwanegyn bwyd newydd
- Awdurdodau Gorfodi, gan gynnwys awdurdodau lleol, Awdurdodau Iechyd Porthladdoedd, a Chyngorau Dosbarth
- Defnyddwyr a rhanddeiliaid ehangach

Mae rhestr o bartïon sydd â buddiant wedi'i chynnwys yn Atodiad A

Pwnc a diben yr ymgynghoriad

Mae'r ymgynghoriad hwn yn ceisio safbwyntiau, sylwadau ac adborth rhanddeiliaid mewn perthynas â'r ceisiadau am gynhyrchion rheoleiddiedig a ystyrir yn y ddogfen hon, sydd wedi'u cyflwyno i'w hawdurdodi (naill ai fel awdurdodiadau newydd, neu er mwyn estyn / addasu eu defnydd). Gofynnwn i randdeiliaid ystyried unrhyw ddarpariaethau perthnasol yng nghyfraith yr Undeb Ewropeaidd (UE) a ddargedwir a ffactorau dilys eraill (tystiolaeth arall sy'n cefnogi dadansoddiad risg clir, rhesymol a chyfiawnadwy, fel buddiannau defnyddwyr, dichonoldeb technegol, a ffactorau amgylcheddol), gan gynnwys y rheiny y mae'r Asiantaeth Safonau Bwyd (ASB) a Safonau Bwyd yr Alban wedi nodi eu bod yn berthnasol i'r ceisiadau hyn. Dyma gyfle i randdeiliaid leisio eu barn am y cyngor a roddir i Weinidogion i lywio penderfyniadau..

Mae'r ymgynghoriad yn ymwneud â'r cynhyrchion rheoleiddiedig canlynol:

- RP1158 Powdr madarch Fitamin D2 – bwyd newydd
- RP1292 Burum sych (*Saccharomyces cerevisiae*) wedi'i drin â golau UV – bwyd newydd
- RP1382 3-(1-((3,5-deumethylisocsasol-4-yl)methyl)-1H-pyrazol-1-yl)-4-(2,4-hydrobensyl)imidasolidin-2,4-deuon – cyflasyn
- RP1194 Rebaudiosid M – ychwanegyn bwyd

Bydd [safbwyntiau'r ASB /Safonau Bwyd yr Alban](#), ynghyd â'r safbwyntiau a gesglir trwy'r ymgynghoriad hwn, yn cael eu hystyried ochr yn ochr â safbwyntiau swyddogion ar draws yr ASB, Safonau Bwyd yr Alban ac, yng nghyswllt bwydydd newydd, adrannau eraill Llywodraeth y DU heblaw'r ASB er mwyn llywio penderfyniadau Gweinidogion o ran a ddylid awdurdodi'r cynhyrchion rheoleiddiedig unigol i'w defnyddio ym Mhrydain Fawr.

Bydd [ymgynghoriad cyfochrog](#) yn cael ei gyhoeddi gan Safonau Bwyd yr Alban.

Darllenwch y pecyn ymgynghori llawn

[Ymgynghoriad ar geisiadau i awdurdodi cynhyrchion rheoleiddiedig amrywiol: dau fwyd newydd, un cyflasyn, ac un ychwanegyn bwyd](#) (fersiwn hygyrch)

PDF

[Gweld Ymgynghoriad ar geisiadau i awdurdodi cynhyrchion rheoleiddiedig amrywiol - dau fwyd newydd, un ychwanegyn bwyd ac un cyflasyn as PDF\(Open in a new window\)](#) (269.48 KB)

Sut i ymateb

Dylid anfon ymatebion i'r ymgynghoriad hwn drwy'r ffurflen [Microsoft Forms](#). Os nad yw hyn yn bosib, gallwch ymateb drwy'r ebost isod:

E-bost: RPconsultations@food.gov.uk

Enw: Y Tîm Cymeradwyo Cynhyrchion Rheoleiddiedig

Is-adran/Cangen: Gwasanaethau Rheoleiddiedig

Cyhoeddi crynodeb o'r ymatebion

O fewn tri mis ar ôl i'r ymgynghoriad ddod i ben, byddwn yn anelu at gyhoeddi crynodeb o'r ymatebion a chynnwys dolen iddo ar y dudalen hon. Gallwch ddod o hyd i wybodaeth am sut yr ydym yn trin data a ddarperir mewn ymateb i ymgynghoriadau yn ein [hysbysiad preifatrwydd am ymgynghoriadau](#).

Mwy o wybodaeth

Mae'r ymgynghoriad hwn wedi'i baratoi yn unol ag [egwyddorion ymgynghori llywodraeth y DU](#).. Os oes Aseiad Effaith wedi'i lunio, bydd wedi'i gynnwys yn y dogfennau ymgynghori. Os na ddarparwyd Aseiad Effaith, nodir y rheswm dros hynny y ddogfen ymgynghori.